

ABG, 76

[UDABERRI ZEIN UDA]

Udaberri zein uda atsegin
ala igande zoriontsu eta handi,
dena adiskide artean,
poza noranahi barrutik kanpora
aire usain gozozko batez,

gainean ia
oporraldia.
Kurtsoa
badoa

hiri eder hartako geltoki
eta atari abegitsu hartara,
portu apain hartara,
paradisu hartako
sarrera zoragarrira.
Bagoaz eta sartuko gara
eta zehartuko dugu jendea jaitan den
zelai oparoa.
Beti eta hala behar delako
aurrean badugu zerbait
lana eramankor egiten diguna.
Oporrak, oporraldia
pauso batera dugu argi
atsedena zabalki eskaintzen.
Mundu eta erbeste honetan,
plaza maitagarri baten poza,
kiosko baten aukera,
lagunarte alai baten atsegin paregabea
aurkituko dugu, poz handienetarako arnasa
zoragarri bat bezala hortxe,
zorion ederrez.